



REGIONE AUTÒNOMA DE SARDIGNA  
REGIONE AUTONOMA DELLA SARDEGNA

PRESIDÈNTZIA

Su Presidente

Prot. n. 2079

### ORDINÀNTZIA N. 3 DE SU 27 DE SU MESE DE FREARZU DE SU 2020

**Ogetu:** Àteras mesuras pro prevènnere e pro gestire s'emergèntzia de su COVID-2019. Ordinàntzia a sos sensos de s'art.32, comma 3, de sa lege de su 23 de su mese de Nadale de su 1978, n.833 pro cantu pertocat s'igiene e sa sanidade pùblica.

#### SU PRESIDENTE

BIDU s'art. 32 de sa Costituzione;

BIDU s'Istatutu Ispetziale pro sa Sardigna e sas normas de atuatzione chi li pertocant;

BIDA sa lege regionale 7 de Ghennàrgiu 1977, chi tratat "Normas subra de s'organizatzione amministrativa de sa Regione Sarda e subra de sas cumpetèntzias de sa Giunta, de sa Presidèntzia e de sos Assessorados regionales"

BIDA sa Lege de su 23 de su mese de Nadale de su 1978, n.833 "Istituzione de su servìtziu sanitàriu natzionale" e in particolare s'art. 32 chi disponet "*su Ministru de sa sanidade podet fàghere ordinàntzias immediatas e urgentes, pro cantu pertocat s'igiene e sa sanidade pùblica e de politzia veterinària, e bàlidas in totu su territòriu natzionale o in prus de una regione Italiana*", ma "*pro custas matessi matèrias podent èssere fatas dae sos presidentes de sas giuntas regionales e dae sos sindigos ordinàntzias immediatas e urgentes, e bàlidas pro cussa regione o pro cussos comunes*";

BIDU su decretu-lege de su 23 de su mese de Frearzu de su 2020, n.6 chi determinat "*Mesuras urgentes pro cantu pertocat su cuntinentu e sa gestione de s'emergèntzia de custa maladia de su COVID-19*" publicadu in su GU Sèrie Generale n.45 de su 23.02.2020, in vigèntzia a su 23.02.2020;



REGIONE AUTÒNOMA DE SARDIGNA  
REGIONE AUTONOMA DELLA SARDEGNA

PRESIDÈNZIA  
PRESIDENZA

BIDA s'Ordinàntzia de su Presidente de sa Regione Sardigna n. 1 de su 22.02.2020;

BIDA s'Ordinàntzia de su Presidente de sa Regione Sardigna n. 2 de su 24.02.2020;

BIDU su decretu de su Ministru de su Saludu de su 26.02.2020 in ue benit aprovalu s'ischema pro su disponimentu de custa ordinàntzia;

LEADU ATU de comente est andande custa maladia, de comente custa s'isparghet e de comente sunt creschende sos casos in sas regiones setentrionales;

DADU ATU de sa deliberatzione de su Consìgiu de sos Ministros de su 31 de su mese de Ghennarzu de su 2020 chi determinat sa *"Declaratzione de s'istadu de emergèntzia pro su perìgulu sanitàriu causadu dae sas maladias de custos virus trasmisibiles"*;

RITENNIDU chi in custu cuntestu pro pòdere fàghere sa giusta, imponet s'assunzione immediata de ogni misura pro cuntènnere e pro gestire s'andamentu de sa maladia, chirchende sas maneras prus sàbias pro no pònnere in perìgulu sa gente;

RITENNIDU chi pro custas situatziones chi sunt istadas mentovadas finas a como siat netzessàriu leare mesuras urgentes pro sa sanidade pùblica.

### ÒRDINAT

A sos sentidos de s'art.32, comma 3, de sa lege de su 23 de su mese de Nadale de su 1978, n.833 pro cantu pertocat s'igiene e sa sanidade pùblica, sas mesuras chi s'inghint:

#### MESURAS DE INFORMATZIONE E DE PREVENTZIONE

- 1 Totu sas iscolas, sas universidades, sos ufizios de sas amministratziones pùbricas devent pònnere in mostra sas informatziones e sas mesuras de preventzione indicadas dae su Ministeru de su Saludu e alligadas a custu provedimentu (*alligadu 1*);



## Il Presidente

- 2 In sas amministratziones pùblicas, e in totu sas intradas a sas istruturas de su Servìtziu Sanitàriu, e in totu sos locales abertos a su pùblicu, devent èssere postos a disponimentu de sa gente, sabones e disinfetantes pro pòdere sabunare sas manos;
- 3 sos Sìndigos e sos assòtzios de categoria devent promòvere custas informatziones supra sas regulas de sighire in sos locales cummertziales;
- 4 sas aziendas de su trasportu pùblicu devent intervènnere a manera istraordinària pro disinfettare sos mezos;
- 5 sos biàgios de istrUZIONE, sas iniziative de iscàmbiu e de “gemellagiu”, sas visitas guidadas e sas essidas dae s’iscola, programmadas dae sas istituziones iscolàsticas de ogni òrdine e gradu sunt suspesas finas a sa die 15 de su mese de Martu de 2020; comente est previstu in s’artìculu 41, comma 4, de su decretu legislativu de su 23 de su mese de Maju de su 2011, n.79, in òrdine a su diritu de su biagiadore, in custu casu particolare si podet crastinare su biàgiu in antis de sa partèntzia;
- 6 pro cantu pertocat sas protzeduras de sos cuncursos, devent èssere garantida, in totu sas fases de su cuncursu, sa distàntzia de seguresa istabilida (trasmissione *droplet*).



ÀTERAS MESURAS CHI DEVENT SIGHIRE SAS PERSONES CHI SUNT ISTADAS IN TZINA O IN SOS COMUNES ITALIANOS IN UE B'EST SA TRASMISSIONE DE SU VIRUS.

- 7 Totu sas persones chi in sas ùrtimas 14 dies sunt istados in sas zonas a rischìu pro cantu pertocat sa maladia, cussas zonas intro e fora dae s'Itàlia, identificadas dae s'Organizatzione Mundiale de sa Sanidade, (e chi si podent bìdere in su giassu internet de su Ministeru de su Saludu e de sa Regione), devet avisare su Dutore suo o su pediatria seberadu. In totu sos àteros casos di devet comunicare a sa sos Servìtzios de Sanidade Pùblica cumpetente in su territòriu. Sa modalidade de trasmissione de sos datos collidos a sos Servìtzios de Sanidade Pùblica at a èssere definida dae s'Assessoradu chi at a indicare nùmenes e cuntatos de sos Dutores chi si divent chircare.
  
- 8 In casu de cuntatu tra su sugetu interessadu e su Dutore o su Pediatria, cun su Dutore de s'assistenzia o cun su Nùmeru Ùnicu Regionale o cun cussu de s'Emergèntzia 118 sos operadores sanitàrios interessados comùnicant generalidades e recàpitos pro pòdere trasmìtere a sos Servìtzios de Sanidade Pùblica cumpetentes.



Su Presidente

- 9 S'operadore de Sanidade Pùblica e sos Servìtzios de Sanidade Pùblica cumpetentes in su territòriu, in base a sas comunicatziones de sos puntos 7 e 8, divent fàghere sa prescrizione de sa permanèntzia in domo, s'ghende sas modalidades chi s'ghint:
- a. da chi retzit sa segnalatzione s'operadore de Sanidade Pùblica telèfonat a su sugetu interessadu chi devet dare totu sas informatziones netzessàrias, supra sas zonas in ue est istadu e supra su percursu de biàgiu fatu in sas ùrtimas 14 dies, pro pòdere carculare sos arriscos de s'espositzione;
  - b. atzertada sa netzessidade de fàghere partire su bardiamentu sanitàriu e s'isolamentu fidutzìariu, s'operadore de Sanidade Pùblica informat a sa minuda sa persone interessada supra sas mesuras chi devet s'ghire, sas modalidades e sas finalidades pro asseguare sa màssima adesione;
  - c. atzertada sa netzessidade de fàghere partire su bardiamentu sanitàriu e s'isolamentu fidutzìariu, s'operadore de Sanidade Pùblica informat su Dutore o su Pediatra chi s'ghit sa persone interessada finas pro sa tzertificatzione pro s'INPS (tzirculare INPS. HERMES. De su 25 de su mese de Frearzu de su 2020. 0000716 de su 25 de su mese de Frearzu de su 2020);
  - d. in casu de netzessidade de tzertificatzione pro s'INPS pro s'assèntzia dae su traballu, si protzedit a fàghere una decraratzione, indirizzata a s'INPS, a su datore de traballu e a su Dutore in ue si decrarat chi pro motivu de saludu pùblicu est istadu postu in cuarentena, indichende su cumintzu e sa fine.



## Il Presidente

- 10 S'operadore de Sanidade Pùblica devet finas:
  - e. atzertare s'assèntzia de frebba o de àteros sìnimos in su sugetu de pònner in isulamentu e de sos chi istant cun issu;
  - f. informare sa persone supra sos sìnimos, sas caraterìsticas e sas modalidades de cundidura de sa maladia, sas mesuras de sighire pro amparare sos cunvientes;
  - g. informare sa persone supra sa netzessidade de mesurare sa frebba duas bortas sa die su mangianu e su sero.
  
- 11 Pro rendere prus efatze custu protocollu est meda importante informare sas persones supra sas modalidades e sas finalidades de s'isulamentu in domo pro assegurare s'adesione màssima e l s'aplicatzione de sas mesuras chi sighint:
  - a) mantenimentu de s'istadu de isulamentu pro 14 dies das s'ùrtima espositzione;
  - b) proibitzione de cuntatos sotziales;
  - c) proibitzione pro iscostiadas e biàgios;
  - d) òbligu de restare a dispositzione pro sas atividades de bardiamentu.
  
- 12 In casu de cumparsa de sos sìnimos sa persone in bardiamentu devet:
  - a) avertere deretu su Dutore e s'operadore de Sanidade Pùblica;
  - b) pònner sa mascheredda chirùrgica (de frunire da chi partit su protocollu) e devet istare a tesu dae sos àteros cunvientes;
  - c) in antis de pòdere andare a s'ispidale devet abarrare in s'istàntzia sua cun sa gianna serrada e fatende a manera de cambiare s'àera a s'ispissu. .



REGIONE AUTÒNOMA DE SARDIGNA  
REGIONE AUTONOMA DELLA SARDEGNA

PRESIDÈNTZIA  
PRESIDENZA

## COMPIDADA DE S'ISULAMENTU

13 S'operadore de sanidade pùblica si devet pònnere in cuntatu ogni die pro dimandare de su saludu de sa persone in bardiamentu. In casu de cumparsa de sos s'ntomos, a pustis de àere preguntadu su Dutore o su Pediatra, su Dutore de sa sanidade pùblica sighit cantu est previstu dae custa determinatzione de su Direttore generale de sa sanidade regionale pro cantu pertocat sos cumportamentos de sighire in custos casos



REGIONE AUTÒNOMA DE SARDIGNA  
REGIONE AUTONOMA DELLA SARDEGNA

PRESIDÈNTZIA  
PRESIDENZA

Su Presidente

Su Prefetu e su commissariu de su governu cumpetente in su territòriu, a pustis de àere informadu su Ministru de s'internu, assegurant s'esecutzione de sas measuras pro sa parte de cumpetèntzia, impitende sas fortzas de politzia e, in ue serbint, cun s'agiudu de sos vighiles de su fogu e de sas àteras fortzas armadas, informende su Presidente de sa Regione.

Custa ordinàntzia est publicada in su giassu internet de sa Regione. Sa publicatzione at valore de notìfica individuale, a totu sos efetos de lege, in sos cunfrontos de totu sas persones numenadas in custa protzeduras.

Sos disponimentos de s'ordinàntzia n.1 de su Presidente de sa Regione Sarda sunt mudados cun cussos de custa ordinàntzia chi at balididade finas a sos disponimentos nos.

Custa ordinàntzia benit mandada a su Presidente de su Consìgiu de sos Ministros, a su Ministru de su Saludu, a sos Prefetos de sos Ufìtzios Territoriales de sa Sardigna, a sos Assessoros Regionales, a sos amministradores de sas provìntzias Sardas, a su Sìndigu de Casteddu e a totu sos Sìndigos de sas Comunas de sa Sardigna..

Cun custa ordinàntzia est ammissu su ricursu giurisditzionale in antis a su Tribunale Amministrativu Regionale intro a 60 dies a pustis de sa comunicatzione, o su ricursu istraordinàriu a su Capu de s'Istadu intro a 120 dies.

**Su Presidente**

Firmadu Christian Solinas